

ურთიერთთანამშრომლობის მემორანდუმი

სსიპ - ბათუმის სახელმწიფო საზღვაო აკადემიას,

ქალაქ ფოთის მუნიციპალიტეტის მერიას,

სამეგრელო-ზემო სვანეთის გუბერნატორსა

და

სსიპ - სსიპ საზღვაო ტრანსპორტის სააგენტოს შორის

ქალაქ ფოთის ტერიტორიაზე ბათუმის სახელმწიფო საზღვაო აკადემიის
ფილიალის დაარსების შესახებ

პრეამბულა

წინამდებარე მემორანდუმის მხარეები:

- ითვალისწინებენ რა, რეგიონში განათლების პოპულარიზაციის/განვითარების აუცილებლობას;
- იზიარებენ რა, ქალაქ ფოთში საზღვაო სფეროში დასაქმებული კადრების მომზადებასა და გადამზადებას;
- იზიარებენ რა, ქალაქ ფოთის ინდუსტრიული ზონის განვითარებისათვის შესაბამისი ღონისძიებების გატარებას;
- იზიარებენ რა, ქალაქ ფოთში მეთევზე-მეზღვაურთა განათლების ხელშეწყობასა და შესაბამისი საგანმანათლებლო/საწვრთნელი პროგრამების დანერგვის/განხორციელების აუცილებლობას თანხმდებიან წინამდებარე ურთიერთთანამშრომლობის მემორანდუმზე (შემდგომში „მემორანდუმი“)

1. მემორანდუმის მიზანი

წინამდებარე მემორანდუმის მიზანია მეზღვაურთა განათლების ხელშეწყობი ღონისძიებების გატარება ბათუმის სახელმწიფო საზღვაო აკადემიის ფილიალის (შემდგომში-ფილიალი) დაარსების გზით.

2. მხარეთა თანამშრომლობის ფარგლები მოიცავს:

- 2.1 ქალაქ ფოთის მუნიციპალიტეტის მერიის მიერ ბათუმის სახელმწიფო საზღვაო აკადემიის ფილიალისთვის შესაბამისი, სათანადო ფართის გამოყოფას/გადაცემას სარგებლობაში სასწავლო პროცესის წარმართვისათვის;
- 2.2 ქალაქ ფოთის მუნიციპალიტეტის მერია უზრუნველყოფს ბათუმის სახელმწიფო საზღვაო აკადემიისათვის სათანადო ფართის გადაცემას სტუდენტური საერთო საცხოვრებლის მოსაწყობად;
- 2.3 ბათუმის სახელმწიფო საზღვაო აკადემია უზრუნველყოფს შესაბამისი კვალიფიციური პერსონალის გამოყოფას ფილიალის დაარსების საორგანიზაციო საკითხების უზრუნველსაყოფად;
- 2.4 ბათუმის სახელმწიფო საზღვაო აკადემია უზრუნველყოფს ფილიალის დაარსების შემდეგ სასწავლო პროცესის უწყვეტ წარმართვას;
- 2.5 სსიპ „საზღვაო ტრანსპორტის სააგენტო“ უზრუნველყოფს რეგიონში საზღვაო სფეროს პოპულარიზაციისა და ფილიალის დაარსებისთვის საჭირო ორგანიზაციულ-სამმართველო მხარდაჭერას და შესაბამისი ღონისძიებების გატარებას;
- 2.6 სამეგრელო-ზემო სვანეთის გუბერნატორი უზრუნველყოფს ფილიალის და რეგიონის განვითარებისთვის ყველა საჭირო ღონისძიებების გატარებას.

3. მხარეთა თანამშრომლობის ეტაპები:

- 1 ეტაპი:** ქ.ფოთის მერია უზრუნველყოფს ფილიალის დაარსებისთვის სათანადო ფართის გამოყოფას და შესაბამისი საორგანიზაციო საკითხების შეთანხმება/ორგანიზებას;
- 2 ეტაპი:** ბათუმის სახელმწიფო საზღვაო აკადემიის მიერ პროფესიული საგანმანათლებლო პროგრამებისა და საწვრთნელი კურსების დანერგვა და განხორციელება;
- 3 ეტაპი:** ბაზრის კვლევის შედეგების საფუძველზე, შესაბამისი მოთხოვნის არსებობის შემთხვევაში, უმაღლესი საგანმანათლებლო პროგრამების განხორციელება.

4. მემორანდუმის მხარეები

წინამდებარე ურთიერთანამშრომლობის მემორანდუმის მხარეები არიან:
სსიპ - ბათუმის სახელმწიფო საზღვაო აკადემია,
ქალაქ ფოთის მუნიციპალიტეტის მერია,
სამეგრელო-ზემო სვანეთის გუბერნატორი,
სსიპ - სსიპ საზღვაო ტრანსპორტის სააგენტო.

5. მხარეთა უფლება/მოვალეობანი

1. წინამდებარე მემორანდუმით განსაზღვრული მიზნის მიღწევისათვის მხარეები თანხმდებიან:
 - 1.1. ხარისხიანი მომსახურების უზრუნველყოფის მიზნით, თავიანთი უფლებამოსილების ფარგლებში, ხელი შეუწყონ ერთმანეთს წინამდებარე მემორანდუმში დაფიქსირებული პირობების შესრულებაში;
 - 1.2. იღებენ ვალდებულებას ყველა ღონე იხმარონ შექმნან სათანადო პირობები წინამდებარე მემორანდუმით გათვალისწინებული ღონისძიებების განსახორციელებლად.
 - 1.3. მხარეები თანხმდებიან, რომ შეიმუშაონ ინფორმაციული მხარდაჭერისა და თანამშრომლობის მექანიზმები.
 - 1.4. პატივს სცემენ რა, ერთმანეთის იმიჯსა და ავტორიტეტს, თანხმდებიან რომ მჭიდროდ ითანამშრომლებენ საერთო ინტერესების სფეროში შემაჯავალი საკითხების განხილვის პროცესში.
2. წინამდებარე მემორანდუმით განსაზღვრული მიზნის მიღწევისათვის მხარეები იღებენ ვალდებულებებს:
 - 2.1. იხელმძღვანელებენ რა მემორანდუმის პრეამბულაში გათვალისწინებული პრინციპებით, გამოხატავენ დაინტერესებას, კოორდინირებული ძალისხმევა მიმართონ რათა შეიქმნას თანამშრომლობისა და კონსულტაციების ურთიერთმისაღები საფუძვლები.
 - 2.2. მხარეები კონკრეტულ ღონისძიებებს, თანამშრომლობის ძირითადი მიმართულებების მიხედვით, განსაზღვრავენ ცალკეული შეთანხმებების ფარგლებში.

6. მემორანდუმის მოქმედების ვადა

- 6.1. წინამდებარე მემორანდუმი ძალაში შედის მხარეთა მიერ ხელმოწერის მომენტიდან და მოქმედებს უვადოდ;
- 6.2. წინამდებარე მემორანდუმი შესაძლებელია გაუქმდეს მხარეთა წერილობითი შეთანხმებით.

7. დასკვნითი დებულებანი

- 7.1. მემორანდუმის მონაწილე მხარეებს უფლება არა აქვთ ცალმხრივად შეცვალონ მემორანდუმის პირობები;
- 7.2. თუ რაიმე წინასწარ გაუთვალისწინებელი მიზეზების გამო წარმოიშობა მემორანდუმის პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით, ერთი თვით ადრე, შეატყობინოს მემორანდუმის მონაწილე მხარეს შესაბამისი ინფორმაცია;
- 7.3. მემორანდუმის პირობების ნებისმიერი ცვლილება უნდა გაფორმდეს მემორანდუმის დანართის სახით, რომელიც ჩაითვლება მემორანდუმის განუყოფელ ნაწილად.

7.4. წინამდებარე მემორანდუმთან დაკავშირებით წამოჭრილი ნებისმიერი დავა გადაწყდება მხარეთა ურთიერთმოლაპარაკების საფუძველზე.
7.5. მემორანდუმი შედგენილია ქართულ ენაზე 4 (ოთხ) ეგზემპლარად და გააჩნია თანაბარი იურიდიული ძალა.

სსიპ - ბათუმის სახელმწიფო საზღვაო აკადემია რექტორი



ირაკლი შარაბიძე


ქალაქ ფოთის მუნიციპალიტეტი მერი



გოჩა კურდღელია

სამეგრელო-ზემო სვანეთის სახელმწიფო რწმუნებული

გუბერნატორი



ალექსანდრე მოწერელია

სსიპ - სსიპ საზღვაო ტრანსპორტის სააგენტო

დირექტორი



თამარ იოსელიანი